



Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 44. Hæc S. Congregationis decisio aliquantum temperata.

[urn:nbn:de:hbz:466:1-67667](https://nbn-resolving.de/urn:nbn:de:hbz:466:1-67667)

Jæc. XVIII.

A. C. 1726.

tum erat, hosce articulos æquivocis verbis esse expositos, Constitutionis explicationes ideo duntaxat efflagitari, ut eadem tacite non sine gravi Clementis XI. defuncti injuria revocaretur, ex ipsa denique articulorum approbatione adeo pacem sperari non posse, ut nil certius timendum foret, quam dissidia magis acerba, novamque factionem. Ea propter hujus Congregationis Patres die Februarii decidebant, rejiciendum esse scriptum illud, quod Noaillius Cardinalis Romam misisset, econtrario autem ab eodem Cardinale aliud & quidem illud, quod Roma ad illum erat transmissum, esse promulgandum, in quo hæc legerentur verba: *Accepto sincero animo Constitutionem Unigenitus pure & simpliciter, & quicquid contra eam scripsi vel feci, id totum damno ac retracto. Conclusum insuper . . . ante publicationem mandamenti nec dandos nec promittendos esse articulos, sed post publicationem mandamenti ad mentem Sanctissimi sub titulo non explicationum, sed articulorum esse dandos.*

§. XLIV.
Hæc S. Congregationis decisio aliquantum moderata.

Hucus.

Sæc.XVIII.
A. C. 1726.

Hucusque Cardinalis Polli, natus neutri parti adhærere videbatur, cum autem a Borbonio Duce iterato literas recepisset, quibus ei injunctum, ut articulos a Rege rejectos Romæ approbari præpediret, aliunde autem Noaillium S. Sedi reconciliandi desiderio flagraret, aliam, mitioremque viam inire statuit: Noverat perbene, Noaillio nil molestius accidere, quam si ea, quæ ipse tuta conscientia hucusque scripta actaque reputabat, juberetur damnare & Constitutionem *pure ac simpliciter acceptare*, hinc Congregationis Patres effictim rogabat, ut pacis amore quædam in mandato duriora temperarent. Annuere hi ejus precibus & in mandati formula verbum *damno* in illud *revoce immutarunt*, sed loco *pure & simpliciter* poni permiserunt *sine ulla restrictione ac relatione*. Nihilominus altera mox die Pollignacus exposuit, post factam hac super re maturiorem deliberationem sibi videri, adhuc alia quædam asperiora esse lenitatis condimento mitiganda. Rursus igitur Patres die 12. Februarii Conventum habuerunt, & Pollignaci voto assensere. Hæc Patrum moderatio placuit tum summopere Pollignaco, qui etiam palam pollicitus est, se Sanctitatis suæ nomine a Rege petiturum, ut suprema

Iua

Sæc. XVIII. sua auctoritate hunc reconciliationis
A. C. 1726 modum promovere velit. Nec promis-
sionis facilitati deerat fidei constantia;
Hic enim a Rege jussus erat, ut Pon-
tificem certiorem faceret, quod Rex
hoc scriptum post factas in eo immu-
tationes omnino ratum acceptumque
haberet. Verum non ea erat Noaillio
sententia; cum enim ibi suos articulos
nullatenus approbari, nec Pontificium
Breve sperari posse deprehenderet, nisi
prius Bullam sine ulla restrictione ac-
ceptaret, hinc suæ formulæ, quam
antea Romam miserat, pertinacius in-
stitit, quamvis illam a Romana Curia,
& Gallis Cardinalibus fuisse rejectam
nollet.

§. XLV. *Noaillius Cardinalis suam oppositio- nem excusare intentus.*

Jam firmum fixumque habuit Noail-
lius Cardinalis, ut formulam Roma-
sibi transmissam penitus rejiceret, ne-
quidem admissis, quæ addebantur,
temperamentis: Verebatur tamen, ne
suo adversus mitissima Pontificis &
S. Congregationis consilia præfracto
animo in plurimorum vituperationem
veniret, eapropter edito palam scripto
suam agendi rationem vindicare nite-
batur,